

鎮國祚保天無終護度一切莫不仰宗

十願江海蕩蕩無極含容恢廓無細不植淵

與柔惠潤加蠕息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔敷教濟濟威化洋洋兆

庶稱慶長樂未央

十二願蝗飛蠶動已生未生成蒙安全普得

生成皆見元炁受陽之形草木果林經冬不

零一切濟度靡不鮮榮和與道合真

復爐

○香官使者左右龍虎君侍香諸靈官當令臣

午朝陞壇行道之所自然生金液丹碧芝英

百靈眾真交會在此香火爐前令臣學道得

道求仙得仙齋主受福幽顯沾恩十方仙童

玉女侍衛蘭煙傳巨向來所啓之誠速達徑

御

太上元極大道至真玉皇上帝

出堂頌

靈寶頌教濟度金書卷之一百四十九

靈寶頌教濟度金書卷之一百五十

洞微高士開光救苦真人寶命其校

靈寶通玄弘教水南先生林靈真編

科儀立成品

第一日晚朝行道儀

步虛 燒香頌

各禮師存念如法

衛靈

神光朗耀 瑞帛匝旋 箕斗澄輝 芝宇晏然

玉眸金真 寶壇絕乾 變夜作晝 回子午前

○太華流綵 丹鳳飛圓 息魔滅姦 高步祥煙

天具並集 齊到帝前 和與道合真

鳴法鼓二十四通

發爐

无上三天玄元始三炁太上道君召出巨等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝闡啓玄壇天帝神君當召此間

土地里域真官正神急上闡啓今奉為入者

意以今晚朝陞壇行道願得

玉清道炁靈寶妙炁下降流入巨等身中即

使玄壇清淨內外成真天無氛穢地絕林塵

琳琅振響十方肅清萬魔不干真誠上徹今

巨所啓之誠速達徑御

太上元極大道至真玉皇上帝

請稱法位

具位奉行黃籙大齋法事小兆巨恭與臨壇

官眾等謹同誠上啓

太上元極大道虛元自然元始天尊妙无上

帝虛皇玉晨大道君妙有上帝萬變混沌玄

元老君至真大帝諸天上帝十極高尊十方

靈寶天尊高上玉皇十方已得道大聖眾至

真諸君丈人三十二天帝君東華南極西靈

北真上宰上相上保上傳日月星宿北斗南

辰周天真宰十方元極无量品至真大神飛

天神王長生大聖无量度人君妙行真人天

真皇人三十六部尊經玄中大法師靈寶玄

一經籍度師侍經五帝玉童玉女歲德尊神

土地主執三界應感一切真靈巨聞天網地

紀運祖炁於綠羅陰緯陽經耀靈光於碧落

上握紫樞之政柄下衍黃混之生根光明紫
鳳之章空洞蒼虬之籙凝真入妙胤玄霜於
嬰蛇之房策景凌霄混紫煙於雌雄之室孰
不均陶於元始悉皆主宰於虛皇且等翼教
盟堅度人志篤仰巍巍之寶座洞煥靈光拱
奕奕之瑤階羅敷祖烝凡有投告敢不聞聞

宣詞

按如詞旨備見丹誠且等率勵清流恢張玄
範敷十華之盟信玉鳳舒繒羅五鎮之欵儀
金龍奠絲翠萼映蘭缸之耀金枝燦蓮炬之
華擷烏兔以流精舞鸞虬而煥彩碧霄翳藹
珠華飛丹霧之英紫蓋玲瓏玉鼎燦朱煙之
瑞朗乾坤而不夜涵宇宙以生輝月磬雲鐘
揚飛玄之八素霓旌霞葆晃空洞之三靈載
觀清光復摠丹懇為齋主某析恩謝過請福
延生消厄難以風清集祥禎而雲委恩沾動
植化洽人天伏以出坤入乾闢陰陽之密戶
左丁右甲開日月之華房陶萬烝以朝元煥
五神而拱極以今晚朝行道請法眾等運茲
初捨上香

願此香煙騰空徑上供養

无上至真道寶且等皈身皈神皈命首體投

地仰依

太上三尊願以是功德上祝

皇帝陛下伏願道泰義赫聖邁勛華就雲懽

八極之心望日慰九域之志社稷先聖鳳軒

游宴於玄都磐石宗藩麟趾扶持於璇極華

夷澄晏朝野安康今故燒香自皈依

師尊大聖眾至真之德得道之後保天長存

和與道合真

伏以金馬驛呈擲火煥六虛之妙玉龍策景

檢營騰九壘之冥開演渾於女青鼓洪濛於

空碧以今晚朝行道請法眾等運茲二捨上

香

願此香煙騰空徑上供養

无上至真經寶且等皈身皈神皈命首體投

地仰依

太上三尊願以是功德皈流齋主某福樹長

榮德星永耀發天光於泰宇消地癘於玄基

宗祖高玄汎鸞駮於西閭雲仍孫子標鶴峙

於北平中外睦和公私協吉今故燒香自皈

依 師尊大聖眾至真之德得道之後升入無形

和與道合真

伏以地根斷絕羅慶雲於生門天谷巍我解

胞塵於幽戶敕制魔而保舉超上清以道遠

以今晚朝行道請法眾等運茲三捨上香

願此香煙騰空徑上供養

无上至真師寶且等皈身皈神皈命首體投

地仰依

太上三尊願以是功德皈流寒庭滯爽夜壑

幽靈伏願吹鳳陽回集龍春到散靈光於風

澤敷帝渥於網輪超陰乘陽演生根而紫虛

凝妙澄神淪性凝紫烝而碧落回靈朱火飛

玄青華鬱秀今故燒香自皈依

師尊大聖眾至真之德得道之後升入無形

和與道合真

禮方 儀方

三啓頌 三禮

重稱法位

具位臣某謹重誠上啓

太上元極大道元始天尊太上大道君太上老君高上玉皇十方已得道大聖眾至真諸君丈人大帝天帝三十六部尊經玄中大法師三界官屬一切真靈臣等萬劫種因千生慶幸鑲玉蒼虬之籙快觀希夷裁金紫鳳之章潛窺微妙益凝真於泉石宜煉景於煙霞志躡清虛心期冲舉悠悠玩景徒洞川上之駒陰役役隨波故逐塵中之兔跡臨深自懼履薄知漸荷雨露之深恩寬雷霆之明憲強顏奏對綴武班聯誓聲竭於微衷庸上酬於洪造今齋主某仰瞻璇極遙盼玉霄期獨既往之災昭迓方來之慶修齋行道對咫尺之天顏燒香散花露再三之民欲尚慮雲蒸世垢霧翳客塵植火棗之荆藿靈芽莫露培交梨於芳徑覺蕪難敷履火宅以營營紛神廬而擾擾萬二千戒行有味檢身百八十威儀每多恕已不識元膺之儀謝罔知節會之朝脩致鼓筆於玄曹莫刊名於青簡非繇首謝曷致簡牘庸搆激切之奏忱惠略羅敷於雲

靈寶領教濟度金書卷之一五〇

渥星馳鶴啟雷動龍符稽典籍以勾朱精神水潔考簡編而削黑步武風清釋祖玄法訟之災解究對執連之患緊樞衍慶碧漢流祥綠茂庭萱樂忘憂之白日紅翻塔藥娛宴喜之青春元騰蘭桂之華香溢藻蘋之秀渠渠

夏屋迎駟馬於于門熙熙春臺耀八龍於荀氏詩書益潤簪綬聯榮蒙如徹切之祈允昭洪厓之規上願天元高耀地紀澄寧川后靜波山靈薦祉同穎雙岐而耀瑞運芳並帶以開祥嬰麟骨鯁之才皆羅朝陞扣角賢良之彥不隱閭閻開壽域於八荒轉洪鈞於一炁則上明
天尊大慈之澤下副臣等皈命之忱謹啓以聞

發願

- 一願大道流行普天懷德
- 二願一切有生咸悟道
- 三願九夜幽魂一時解脫
- 四願孤爽無依咸得受生
- 五願天下太平五穀豐熟

- 六願臣忠子孝君仁父慈
- 七願四海會同究親和釋
- 八願潛胎處卵咸得生成
- 九願積疾新病旋即痊愈
- 十願孤露衆生豐衣足食

復爐

香官使者左右龍虎君侍香諸靈官當令臣晚朝陞壇行道之所自然生金液丹碧芝英百靈衆真交會在此香火壇前令臣學道得道求仙得仙齋主受福幽顯沾恩十方仙童玉女侍衛蘭煙傳臣向來所啓之誠速達徑御

出堂頌

太上元極大道至真玉皇上帝
靈寶領教濟度金書卷之一百五十